



Republika e Kosovës - Republika Kosova
Komisioni Zgjedhor për Ankesa dhe Parashtrësia
Izborna komisija za žalbe i molbe

A nr. 208/2010

Komisioni Zgjedhor për Ankesa dhe Parashtrësia (KZAP), në panelin e përbërë nga Muharrem Shala, kryesues, Ymer Hoxha dhe Muhamet Rexha, anëtarë, duke vendosur përkitazi me ankesën e Srecko Cvetkovic në cilësinë e kryetarit të OJQ-së “Sveta Trojica” nga Parteshi, që ka të bëjë me parregullsitë gjatë procesit të votimit, në seancën e panelit të mbajtur me datë 23 Korrik.2010 mori këtë:

V E N D I M

Ankesa refuzohet si e pabazuar.

A R S Y E T I M I

Z. Srecko Cvetkovic në cilësinë e kryetarit të OJQ-së “Sveta Trojica” nga Parteshi, ka parashtruar ankesë më datë 18.07.2010, me të cilën pretendon se anëtarët e KVV-së në VV nr. 2 Srdan Zivkovic dhe Sladan Trajkovic, disa herë kanë dalë jashtë VV dhe i kanë pritur votuesit para QV, duke iu sugjeruar atyre se si të votohet. Sipas parashtruesit të ankesës, këtë e ka përcjell gojariht tek kryetari ku i ka thënë që ata nuk kanë drejtë të bëjnë një gjë e tillë.

F A K T E T

Më 19 korrik 2010, KZAP-i, ka pranuar një ankesë nga Z. Srecko Cvetkovic në cilësinë e kryetarit të OJQ-së “Sveta Trojica” nga Parteshi, parashtruesi i ankesës pretendon se ka pasur manipulime dhe ndikime tek votuesit nga ana e anëtarëve të KVV-ve, në VV nr.2.

Parashtruesi i ankesës nuk ka paraqitur ndonjë dëshmi si provë lidhur me manipulimin e votuesve nga ana e anëtarëve të KVV-ve, por ka përmendur emrat: Dejan Mirkovic dhe Nebojsa Mirković si dëshmitar. Po ashtu, nuk është specifikuar koha e ngjarjes së shkeljes së supozuar.

ANALIZË

Juridiksioni i KZAP-it lidhur me ankesat është caktuar në pajtim me kompetencat e dhëna nga Kuvendi i Republikës së Kosovës në *Ligjin mbi Zgjedhjet e Përgjithshme në Republikën e Kosovës – LZP* (Ligji nr 03/L- 073) dhe *Ligjin për Zgjedhjet Lokale në Republikën Kosovës* (Ligji nr 03 / L-072).

Rregullat dhe Procedurat e KZAP-it, neni 3.6, pika (b) dhe (c) parashohin si vijon:

3.6 (b) Një përshkrim të hollësishëm, duke përfshirë datën, kohën dhe vendin e shkeljes së pretenduar

3.6 (c) Hollësi rreth çfarëdo dëshmie dhe kopje të çfarëdo dokumentacioni relevant apo dëshmi tjera në posedim të ankuesit ose udhëzime se ku mund të gjenden dëshmitë, ne rastet kur të njëjtat nuk janë në posedim të ankuesit

KZAP-i vlerëson se Ankesa është e parregullt për faktin se nuk përmban të gjitha elementet e detyrueshme të parashikuara në dispozitat e nenit 3.6 pika (b) dhe pika (c).

Për këto arsye, bazuar në dispozitën e nenit 115.1 të LZP, u vendos si në dispozitiv të këtij vendimi.

Komisioni Zgjedhor për Ankesa dhe Parashtrësia në Prishtinë

A nr. 208/2010 më datën 23 Korrik 2010

Kryesuesi i Panelit
Muharrem Shala

